

Ազնաւորեան Կարապետ Ամիրայ, և ստուգեալ իմացաւ 'ի նմանէ, թէ երթայ այրն յերուսաղէմ շինել զտաճարն Ս. Յարութեան . ո՛չ ապաքէն ասէ՝ տեղին այն յատկացեալ է երկոց ազգաց, եւ շինութեանն միաբանութեամբ պարտ էր լինել . առ այս պատասխանէ ճարտարագետն . Լաաինք եւս անհմուտ գոլով՝ այնպէս գիտեն, որպէս եւ բարեկամս այս . զայս ասացեալ մեկնի 'ի նաւն ճանապարհորդել յերուսաղէմ, և Կարապետ Ամիրայ զամենայն հանգամանս խնդրոյն և տեղւոյն մի առ մի պատմէ վերատեսչին, եւ յօրէ յայնմանէ խորհէին գլխաւորք ազգին մատուցանել գիր ազաչանաց առ Արքայ :

Այլազգիք Երուսաղէմի միաբանեալ ընդ Միւֆթի եւ ընդ Նախիպի քաղաքին, որոց պարագլուխ էր Ապուղօջ Յիման, ապստամբեալ ամրացան 'ի Սիոն, և սկսան մարտընչիլ ընդ այլազգիսն, որք ամրացեալ էին 'ի բերդն . այրեցին զարտաքին դուռն բերդին, և գործեցին զայլ ինչ բազում . յահէ նոցին տագնապեցան վանօրայք : Եւ 'ի դալլատեան Կուսակալի Դամասկոսի ըստ սովորութեան յերուսաղէմ, խոյս ետուն ապստամբեալքն 'ի լերինս և թագեան յայրս և 'ի յապարս լերանց . իսկ Բդեշին թափեաց զցատումն իւր 'ի վերայ արանց, որք ամրացեալք էին 'ի բերդն . եւ ապա որպէս թէ հաշտութիւն արար 'ի միջի նոցա, գրեաց ինքն գիր հրամանի առ ապստամբսն անիծիւք և դառնութեամբ, զնոյն ետ գրել և դատաւորին . չրանանալ 'ի վերայ վանօրէից և շնեղել զնոսա . և խոստացաւ կարգել զոր հմուտ և քաջակիրթ քաղաքագետ բազմութեամբ զօրաց՝ 'ի հանգիստ վանօրէից . և զայս ծանոյց հասարակութեան քաղաքին 'ի ձեռն մուսեոսի եւ ինքն սկսաւ մերկացուցանել զվանականս . միայն 'ի Հոյոց էառ 270 քասկս արծաթոյ, թող զսահմանեալ ազանելիս եւ զընծայս և դարձաւ անդրէն 'ի տեղի իւր, առանց թողլոյ զգօրս և բարեկարգելոյ զքաղաքն : Ապստամբք իբրեւ լուան զշու Կուսակալին, ելին 'ի ծակուց իւրեանց և զեղան յերուսաղէմ . կրճատելով զատամուսնս իւրեանց 'ի վերայ քրիստոնէից, սկսան անարգել գործել զառաջին չարիսն, պահանջելով 'ի վանականաց զայլ և այլ իրս . և քաղաքագետին չէր հնար միայն զգէմ ունել բռնութեան